

諦閑大師講述

皇懺隨聞錄

觀講義等。餘則類皆半途輟。此次同人。自不量力。妄爲筆記。而於發心記錄時。已過旬日。雖餘響在耳。實難追憶聯篇。後承 老人手撰補足。得成完璧。然其中間。老人能不假代座。始終勿替。同人隨錄隨編。亦無一時或脫。實賴龍天之所點佑也。一、此懺自梁代以來。千三百餘年。無人闡弘。並無註釋。埋沒於應赴之門。殊深太息。今老人具菩薩之悲心。建懺悔之法幢。如離寶匣。如出金瓶。良以教被乘時。隨機施設。誠對症之良劑也。願見者聞者。生難遭希有之想。幸毋輕忽。

一、時丁末運。惟存教理。行果全荒。言與行乖。真有說食數寶之慨。今此懺法。名爲行經。實事求是。目足兼資。非單輪隻翼者比。誠能振末法之頹風。願深加注意焉。

一、懺法注重行持。故於每節文後。敬禮諸佛菩薩。諸佛洪名。萬德具足。菩薩嘉號。萬善莊嚴。茲因經期時促。未能一一詳釋。而誦者禮者。稱其名分。則衆德而俱備。專乎禮也。統百行以無遺。姑存名號。望勿褻慢。

一、懺悔之法。宜應念念相續。時時現前。懺之又懺。悔之又悔。故懺中言之又言。文句重沓。幸勿以繁複爲嫌。

緒言

一同人自慶夙善。叨逢勝會。時以法音不被於未聞者爲念。由是發心記錄。聊爲留聲之機。而智淺力微。於記錄時。雖各竭盡心力。然猶有筆不及追者。不無漏脫。致未能盡妙臻極。深以爲憾。

一、此懺文相。雖極淺顯。今得 老人粲花之舌。以發揚之。海口津津。盡成妙諦。同人親侍座側。各記所聞。罷座後。卽以三人所錄者。刪繁取要。編輯成文。每日稿成。卽呈 老人法正。至全部成。又請重爲修飾。并命名曰隨聞錄。

一、此錄皆用普通文言。務求明顯。以期普及。其中語氣。則求合講時口吻。所有別揮言外之旨。及稱性之談。尤不敢絲毫有所出入者也。使未預講筵者。無異面聆法音。卽躬逢盛會者。亦恍若重聞慈誨矣。

一、大凡註釋經書。判科最關緊要。如提綱挈領。使眉目分明。此懺雖自有科題。但前後生起。不無失次。故未詳爲分科。唯依文釋義。推闡盡致耳。

一、老人演教兩都。法流全國。各處發心記錄者頗多。其中最完善者。如圓覺親聞記。止

獨於此法而忽之。觀宗諦公。以時當末法。人多不知自省。遂致所行與所學相悖。因發心講演。以期人各主敬存誠。洗心滌慮。戒慎乎其所不睹。恐懼乎其所不聞。學行相顧。必期於自立於無過之地而後已。方子遠凡。宿具靈根。雖出富室。頗好清修。每聆妙義。悉能領會。此次聽講。隨爲記錄。又經寶靜。誠一。常靜。三師爲之輔弼。遂得成帙。其父母同預講筵。躬爲繕寫。可謂見其子卽知其父母。非是父母不生是子也。方子欲排印。祈余作序。余惟修行之要。敬爲第一。人能主敬存誠。則一切凡情。無由而起。本具聖智。自然發現。凡一切人我是非。無明貢高。以及懶惰懈怠。因循委靡之習氣。皆悉消滅。而況恭對三寶。披陳往罪。則慚愧恐懼之心。希聖希賢之念。如飢如渴。油然而生。上慕諸聖。下重己靈。痛念我與諸佛。同一心性。彼何以圓證三覺。我何以久輪六道。從茲改往修來。返迷歸悟。譬如摩尼寶珠。墮於圜廁。直下取出。屢次洗濯。俾復本淨。待至淨極。則懸之高幢。必能隨意雨寶。此種大事因緣。若不發揮。若文若義之意致。則或有不得實益者。此隨聞錄之所宜普徧流通也。常慚愧僧釋印光謹撰。

慈悲道場懺法隨聞錄序

俗稱梁皇懺

吾人之心。體本明淨。由無明故。煩惑遂生。煩惑既生。便成昏濁。而明淨之體。遂爲隱沒。實未嘗減損一絲毫也。欲令復本還元。非竭誠盡敬。恭對三寶。懺悔業障不可。諸大乘經。具有令懺悔之文。隨人所宗。述爲懺法。如法華、光明、淨土、大悲等。此之懺法。詳於披陳罪相者。以梁武帝爲度元配。郝氏夫人。墮於蟒蛇之苦。兼欲一切人民。同沾法利。特請誌公。并諸高僧。檢閱經文。述爲懺法。帝亦時運睿筆。發揮意致。惜帝未悉淨土法門。故於述成之時。郝氏特現天人妙莊嚴身。而爲致謝。使帝詳知淨宗。則其夫人。當必仗佛慈力。往生西方。高預海會。登不退地。又何得資此大法大心。竟以生天結其局哉。後之禮懺者。悉當注意於回向往生。方獲究竟實益。此懺以大菩提心爲本。從茲竭誠盡敬。外慕諸聖。披陳罪咎。內重己靈。故得生佛心融。感應道交。消除歷劫之罪垢。開發本具之心光。其爲利益。莫能具宣。文雖顯淺。校比台宗。注重理觀。不詳披陳罪相。諸懺爲能普被三根也。自昔以來。未有講與註者。蓋以文義顯豁。無須講註。須知法無淺深。唯取利人。律無立義。以道宣律師之上根利智。尙須十次聽講。及其爲註。則不厭其詳。何

並邀嚴父聖胤。慈母聖照。助其繕寫。經八十日。遂成全帙。命其名曰隨聞錄。未始非浩
劫之勝緣也。愧予不文。語無倫次。但求理不背乎佛心。情或符於祖意。言如無爽。事必
有徵。嗟乎。衆生所以沉淪於六道者。無他。不勤懺悔而已矣。佛言。蠢動含靈。皆有佛性。
凡有心者。皆當作佛。吾人於無量劫來。背覺合塵。出生入死。無一類而不受生。有一生。
卽有一身。有一身。卽有一身之父母。可知現前有命者。無一非過去之父母。未來之諸
佛也。吾人自當生大慚愧。發菩提心。瀝膽披肝。求哀懺悔。帙成。方氏急欲聚珍刷印。用
結淨緣。予亦忻然許之。爰述此以自警。并以告夫同病者。時在民國乙丑年夏五。老頭
陀諦閑述於四明觀宗寺之密藏居。時年六十有八。

皇懺隨聞錄緣起

佛法言常住。未始離乎世相遷流。以不變常隨緣故。雖不離於世相遷流。而究竟依然自如。以隨緣常不變故。自釋尊鶴林晦跡。諸祖繼興。所以傳持此道。東流震旦。逮於今二千年而不墜者。實賴歷朝聖主賢臣。夙稟佛囑。常爲崇事之力也。若夫衆生八識田中。本有十界種子。名爲理具三千。但以習氣內熏。隨緣造業。循業發現。乃成十界聖凡苦樂果報。是爲事造三千。只此兩重三千。同居吾人一念心性。明於此。便知盡虛空界。一切聖凡。即吾人心內之生佛也。亦卽一切諸佛心內之生佛也。亦卽一切衆生心內之生佛也。佛心生心。平等不二。皆豎無初後。橫絕邊涯。以諸佛心內衆生。由理具三千。故能感衆生心內諸佛。由三千理滿。故能應。故得感應道交。不可思議矣。夫修多羅教經也。梁皇懺行經也。世人祇知教經之可講。而不知行經亦可講也。本寺自民國壬子以來。歷開講席。竊觀年來水火刀兵之災。相繼滋蔓。民不聊生。國無寧日。自非懺悔。設想何堪。是以今夏發心。宣揚懺法。聊盡微忱。方子遠凡熱心爲法。挽回社中誠一。常靜二子。佐其筆記。隨聞隨錄。可謂耳無停聽。手不停書。副講寶靜。爲之編緝。湊集成書。

皇懺隨聞錄

方子漢

台宗後裔 諦閑法師講 副講寶靜輯

學者比丘 誠一居士遠凡錄

慈悲道場懺法

這一部慈悲懺法。自古至今。祇知禮誦。代人超薦先亡。而不知宣講宏揚。以自懺悔業障。但知他有身。不知自亦有身。但知他有苦。不知自亦有苦。但知爲他以求安樂。不知自亦可以求安樂。可謂冠履倒置。顛倒甚矣。當此浩劫時代。非懺悔不爲功。故今本寺。發心演講懺法。然講懺與經。少有不同。講經。例須先釋總題。別開玄義。講懺。必須先明香讚。次釋恭聞。先香讚者。

爐香乍爇。法界蒙熏。諸佛海會悉遙聞。隨處結祥雲。誠意方殷。諸佛現全身。

南無香雲蓋菩薩摩訶薩。

三稱。

此讚文爲諸讚之冠。可謂善妙之極點也。爐名寶鼎。香號旃檀。乍。纔也。爇。焚也。香體周徧。用亦如之。所以一片旃檀。纔入寶鼎。故得法界蒙熏。法界者。盡虛空界也。用從體起。修逐性圓。性德橫徧豎窮。故修德充滿法界。無處不蒙其熏也。諸佛者。卽指十

方世界。現坐道場之諸佛。意謂虛空無盡。十方無邊。國土無央。現坐道場之諸佛。不可勝數矣。海會者。佛爲說法之主。主必有伴。所謂三乘聖衆。護法龍天。法會無涯。猶若大海。故稱海會。會中主賓齊集。凡聖交參。無一不聞有馨香馥郁。故曰悉遙聞也。處指海會。凡有海會道場。無不香雲普覆。下有雲臺。上有雲蓋。中有化佛菩薩。放光現瑞。故曰結祥雲也。誠意者。誠謂至誠。意即心意。方殷與上。乍熱照映。方與乍義同。殷誠之至也。意云。我等求懺行者。乘至極之殷心。焚栴檀於鼎內。其香乍熱。而意方殷。正恁麼時。卽是清淨覺地。身心寂滅。與諸佛之法體全身。平等不二。故感諸佛現全身也。梵語南無。此云皈命。菩薩摩訶薩。便是雲蓋中之化佛菩薩。我等理須舉身命而皈投也。

次恭聞

這一部梁皇寶懺。武帝爲皇后郗氏所集也。以郗氏故後。帝常悶解不開。日則愠而不愉。夜則寢而不寐。一日於內庭中。偶聞騷率聲。視之。乃大蟒也。張口向帝。似有言說之狀。帝驚謂之曰。朕宮嚴肅。非爾類遊行之地。此必妖孽。欲祟我乎。蟒乃作人語。

啟之曰。妾非妖。卽郝氏也。妾以生存。嫉妒六宮。性過慘毒。損物害人。以罪謫之爲蟒耳。無食實口。無穴藏身。飢窘困逼。力不自勝。時有小蟲於鱗甲內。咬我肌肉。痛苦甚於刀錐。妾之蟒身。不比常蛇。故能變化而至。雖深宮不能阻也。妾感帝平昔眷念之情。敢託醜形。陳露於帝。祈作功德。以見拯耳。言訖。不復再見。帝於明日。集沙門於殿庭。宣其由以問善。誌公對曰。須求懺以滌其愆。帝乃然之。於是搜羅大藏玄文。錄記諸佛名號。共成十卷。實乃應運而出也。

恭聞梁皇寶懺。彌勒題名。誌公集華藏之玄文。羣經錄諸佛之聖號。大集沙門。宏宣懺法。懺文感夢於梁朝。瑞氣騰輝於武帝。由是耿耿金光不昧。皎皎寶燄芬芳。郁郁香烟熏內闕。重重花藥耀王宮。青霄雲裏。天人現報體之端嚴。白玉階前。郝氏脫蟒身之苦難。以此消災。災消吉至。因茲滅罪。罪滅福生。迺破暗之明燈。真救病之妙藥。恩沾九有。德被四生。懺之功德。讚莫能窮。

此懺之名。卽慈悲道場四字。乃因兜率天宮。補處大士。應夢而題名也。經文佛號。均由誌公禪師。折衷集指。撰述成文。帝集高德沙門。宏宣懺法。至於禮懺既畢。郝氏遂

脫蟒身。一日聞宮室內異香馥郁。久之轉美。初不知香之所從來。帝仰視之。乃見一天人。身形偉大。端麗容儀。謂帝曰。余是蟒之後身也。蒙帝功德。已得上生忉利。今呈天身。以示明驗也。殷勤致謝。言訖不見。今云感夢梁朝。騰輝武帝。卽指大士應現之徵。由是下三行文。卽指郝后離苦得樂。感應昭彰之事實。所以云。以此懺而消災。災消吉至。以此懺而滅罪。罪滅福生。明燈妙藥。雙喻懺法。以燈有破暗之功。藥有救病之德。喻懺有消災之功。滅罪之德。極相似也。三界九有。無不霑恩。六道四生。均皆被德。若要讚揚懺法之宏勳。雖窮諸玄辨。若一毫置於太虛耳。豈筆舌可能形容已耶。茲者懺文肇啓。仰叩普賢行王。運想香花。供養十方調御。欲嚴清淨之懺壇。先誦秘密之章句。要祈善果以周隆。必使罪花而凋謝。仰叩洪慈。大彰靈應。

衆念

此數語。乃開懺之由序也。以懺悔雪愆。爲緊要行門。普賢大士。爲萬行首領。故於禮懺前。而先仰叩之也。十方諸佛。無物堪供。故須運想性海中。卽戒。卽定。卽慧之香。非水。非陸。非山之花。作眞法供養於調御師也。欲嚴潔清淨之壇場。必先誦秘密之心印。如是。則庶幾祈善果以周隆。決定使罪花而凋謝。爲此仰叩普賢大慈光臨。以彰

行人禮懺之效驗。效驗卽靈應也。

普賢王菩薩摩訶薩

三稱

象駕光臨

衆和

此正仰叩之也。行彌法界曰普。位鄰亞聖曰賢。以其位居等覺。爲羣賢之首故。華嚴經云。十方如來有長子。彼名號曰普賢尊。法華經云。若有人受持讀誦此經。能正憶念。當知此人。行普賢行。我當乘六牙白象。至其人前。摩頂以安慰之。足證行者。眞實修行。必能感普賢象駕以光臨也。

有一菩薩。結跏趺坐。名曰普賢。身白玉色。五十種光。光五十種色。以爲頂光。身諸毛孔。流出金光。其金光端。無量化佛。諸化菩薩。以爲眷屬。安詳徐步。雨大寶花。至行者前。其象開口。於象牙上。諸池玉女。鼓樂絃歌。其聲微妙。讚歎大乘。一實之道。行者見已。歡喜敬禮。復更讀誦。甚深經典。遍禮十方。無量諸佛。禮多寶佛塔。及釋迦牟尼。并禮普賢。諸大菩薩。發是誓願。若我宿福。應見普賢。願尊者徧吉。示我色身。

此一篇文。說明大士降臨形容。光明相好。行者不可不預知也。言菩薩趺坐於蓮華之上。蓮華在白象背上。大士之身色。絕如白玉。有光五十種。色亦如之。此指頂上之

光也。身有八萬四千毛孔。孔孔出金光。光中化佛無量。化菩薩衆亦然。申申天天。一路雨華。來至行者之前。象有六牙。牙上化現七寶蓮池。池中復現金童玉女。鼓操樂音。演暢大法。帝釋天有婆羅寶象。步虛而行。瞬息之間。超忽萬里。化其身有三十二牙。牙有七池。池七蓮華。華七玉女。女奏音樂。出涅槃疏。此天象尙爾。况白象王乎。所以行者一見。則歡喜禮拜。讀誦讚揚。從此遍禮無量諸佛。并多寶佛塔。及釋迦牟尼等。遂發願云。若我有宿福。應當見大士者。願尊者徧吉。即普賢明示於我。乃至心稱十聲云。南無普賢菩薩。

舉一切恭敬

一心頂禮十方法界常住佛
一心頂禮十方法界常住法
一心頂禮十方法界常住僧
此普禮十方三寶也。

是諸衆等。各各胡跪。嚴持香花。如法供養。十方法界三寶。

願此香花遍十方。以爲微妙光明臺。諸天音樂天寶香。諸天餽膳天寶衣。不可思議妙法塵。一一塵出一切塵。一一塵出一切法。旋轉無礙互莊嚴。遍至十方三寶前。十方法界三寶前。悉有 myself 修供養。一一皆悉遍法界。彼彼無雜無障礙。盡未來際作佛事。普熏法界諸衆生。蒙熏皆發菩提心。同入無生證佛智。

夫一切諸法。無一不是理具。亦無一不可事造。言理具。就具於事造。事造。卽造於理具也。向云。運想香花。供養十方調御。是一句文詞。至此。方實行也。現前禮懺行者。雙膝着地。名爲胡跪。謂印度誠敬之貌。兩手執持香花。可謂如法供養。祇此一香一花。卽空。卽假。卽中。體卽法界。故能供養十方法界三寶。法不孤起。想假緣生。由此香花之緣。正可託之以運其想。默想云。願此一句。意取香性華性。與我心性。原無二性。心性佛性。亦無二性。故能一徧一切徧也。次十六句。卽法界觀也。謂性體真空。緣起無礙。故能從體起用。由理成事。以爲二字。一氣貫下。謂以此香華。想爲微妙光明之臺。又能爲諸天音樂。又能爲諸天寶香。又能爲諸天食。諸天衣。又能爲不可思議的妙法塵。於一一塵中。又能出生一切妙塵。又能出生一切妙法。而塵塵法法。又能旋轉

交互莊嚴。又能徧至十方三寶臺前。各各三寶臺前。皆有我禮懺行者。修諸供養。一供養。又能徧滿法界。無雜無礙。上是橫徧。盡未句。是豎窮。上十三句。是上供三尊。下三句。是下沾凡品。故曰普熏法界諸衆生。一一衆生。蒙香花一熏。願皆發菩提心。同入無生智。

想已散花舉

願此香花雲。徧滿十方界。供養一切佛。尊法諸菩薩。緣覺聲聞衆。及一切天仙。以起光明臺。過於無邊界。無邊佛土中。受用作佛事。普熏諸衆生。皆發菩提心。

寶曇華菩薩摩訶薩

云

此下十二句偈。應心念口言。作如是唱云。其義如上。可不煩述。

讚佛偈

起立念

容顏甚奇妙。光明照十方。我昔曾供養。今復還親覲。聖主天中王。迦陵頻伽聲。哀愍衆生者。我等今頂禮。

此二偈。出法華經藥王本事品。

仰白十方三寶。刹海天龍。懺摩海會聖凡。願賜慈悲。俯垂證鑑。有疏披宣。伏希諦聽。

表白宣意

上來情旨。恭對披宣。大圓鑑中。諒垂印可。是以備香花供養。燈燭莊嚴。命我等流。代行懺法。今則依仗如來大寂滅海。皈投普門大悲願王。蕩罪業於無何有之鄉。剪芥蒂於不萌枝之地。心純是法。與法相應。理事圓融。行願成就。我既如是。佛必哀憐。祈叩洪慈。冥熏加被。

此述宣文疏意。初行半。是懇啟詞。上來下。是宣畢述意。謂彼齋主嚴備香花供養。燈燭莊嚴。並命我等。代行懺法。今則全仗如來大寂滅忍。又須復賴普門大悲願王。始能令彼齋主之罪業。蕩之於無何有之鄉。使其不解之芥蒂。剪之於不萌枝之地。現前所有身心。純是真如妙法。平等不二。故曰相應。如是。則若理若事。無不圓融。若行若願。悉皆成就。我既如是懇求。佛必哀憐愍念。既已祈叩洪慈。必能冥熏加被。

啟運慈悲道場懺法。一心歸命三世諸佛。啟。是開啟。又出也。運。謂時運。又移也。意謂。這一部慈悲道場之懺法。正是其時。所以

應運而出也。良以時臨像季。去聖既遙。法水東流。逐漸出世。始則但知利益於當世。而不知普及於將來。但知利益於善界。而不知普及於冥途。自這一部懺法出世已後。繼則水陸儀軌。金山法事。超薦列國君臣。以至唐宋以來。孟蘭盆。大悲。淨土。等懺。流通於世。徧滿塵寰。所謂劍爲不平離寶匣。藥因救病出金瓶。非虛語也。我等應當一心皈命。三世諸佛。

南無過去毗婆尸佛。南無尸棄佛。南無毗舍浮佛。南無拘留孫佛。南無拘那含牟尼佛。南無迦葉佛。南無本師釋迦牟尼佛。南無當來彌勒尊佛。

前三是過去莊嚴劫最後之三佛。次四是現在賢劫最初之四佛。後一是當來出世之一佛。定本部之懺名。作本部之懺主也。

無上甚深微妙法。百千萬劫難遭遇。我今見聞得受持。願解如來真實義。是開經偈。係唐武后所作。開華嚴經之偈。成千古不泯之妙嚴。善哉善哉。

慈悲道場懺法卷第一

此一部之總題也。釋總題。例有五重玄義。一釋名。若云梁皇寶懺。可謂人法喻具足。